

**ARUBA BANK A
PATROCINA E
CELEBRACION DI
DERA GAY**



WWW.SOLODIPUEBLO.COM



SOLODIPUEBLO@GMAIL.COM

**OM A INFORMA DE MEZA:
“BO TA SOSPECHOSO”
PERO NO A DUN'E
DETAYES**



**HOBEN DI 20
AÑA MANIPULA,
AISLA Y FORSA
PA TRAHA: RED
DI TRAFICO
DESMANTELA Y 3
DETENI**

**MIEMBROAN DI NATO A
AUMENTA GASTONAN DI
DEFENSA, PERO TIN DUDA RIBA
COMPROMISO DI MERCA**



**GEOFFREY WEVER A ADMITI
ESAKI DEN PARLAMENTO
MIENTRAS GERLIEN CROES
TA MANERA UN “SIDE LINER”**



OM A INFORMA DE MEZA: “BO TA SOSPECHOSO” PERO NO A DUN’E DETAYES

OM a informa De Meza Ministerio Publico a cumpli cu e decision di Huez di 25 di juni 2025 den e caso sumario di señor De Meza.

Ministerio Publico a informa señor De Meza den un carta si e ta/no ta sospechoso den un investigacion cu ta andando y di cual articulo

den Ley ta trata.

Huez a rechasa e peticion di señor De Meza pa duna Ministerio Publico ordo pa pone na haltura di e naturalesa y motibo di e acusacionnan contra dje. A consecuencia Ministerio Publico no a duna ningun declaracion tocante esaki tampoco na señor De



Meza.

Nota di redaccion: E di dos comentario di Ministerio Publico, ta confirma e hecho cu De Meza ta sospechoso.

Si e NO tbt sospechoso, e parti naturalesa lo no por existi.

CLAUSURA PROYECTO CONTA CUENTA 2025

Biblioteca Nacional Aruba a clausura otro edicion di su proyecto ‘Conta cuenta na Casnan di nos Grandinan’. E biaha aki e gira tabata cu autornan y contador di storia Irmgard Frans, Robert Reeberg y Astrid Gietel.

Biblioteca Nacional Aruba ta organisa e programa aki tur aña. Durante 3 luna, April, Mei y Juni, hunto cu autor, poeta y contador di storia ta bishita e diferente casnan di grandinan pa presenta un progama di un ora cu storia, poesia, obra teatral y musica y entretenimento. Ta bishita San Pedro Paviljoen, Huize Maris Stella Savaneta, SABA San Nicolas y Cas Marie Savaneta.

Den e di dos parti di e programa, na April, a ofrece musica di Cah'i orgel bou direccion di sr. Nelson Tiel y acompaña pa un bunita baile di pareha Helene y Betto Ruiz. Esaki bou guia di John Freddy Montoya.

Na Mei, den e di dos parti, a presenta un pelicula di Instituto di Cultura

tocante utensillonan di antes. Hopi informativo y cu a trece bon recuerdonan cerca nos grandinan.

Na Juni, Grupo Zjilea, bou direccion di Chencho Kelly, a deleita nos grandinan cu musica crioyo. Unda nan a gosa, canta y baila te unda cu por. E clausura a tuma lugar na Cas Marie Savaneta. Tur participante tabata presente y a cera cu musica di Cah'i orgel. Cu un brindis y algun snacks. Coordinacion di e proyecto ‘Conta Cuenta Na Casnan di Grandinan’ ta den man di bibliotecaria Yosmar Sneek hunto cu e miembronan di e comision, Giselle Lacle, Shuraima Quant y Marlon van der Linde. Ta gradici Quota International Club of Aruba cu ta ofrece un contribucion financiero pa cubri algun gasto. Un danki di curason na tur cu di un of otro forma a contribui na e exito di e programa muy en especial na nos departamento di Media.

Irmgard Frans



Irmgard Frans ta un persona creativo y hopi productivo cu mas cu 10 publicacion riba su number. Trahando den su oranan liber y weekend e ta logra hopi. Irmgard Frans hopi aña pasa a tuma e reto pa contribui na produci buki pa mucha na Papiamento. “Mi mision ta: Pa na un manera artistico, crea storianan di identificacion y inspiracion, pa preserva e cultura di nos weganan di infansia, e goso y alegria di cada un di nos. Mi no ta un hende cu ta sinta warda, mi ta sigui traha. Mi gusta reto, siña y proyecto nobo”. Di un idea ta nace un otro.” Na 2024 autor y pintor Irmgard Frans a presenta su ultimo

publicacion na Biblioteca Nacional Aruba, titula ‘Vietnam den Steenweg’. Sra. Frans ta gusta historia y a documenta e historia di Steenweg pa basta aña pa medio di entrevista cu e personanan cu tabata traha den Steenweg. Sra. Frans a skirbi diferente buki pa mucha y a participa na Festival di Buki pa Mucha diferente biaha.

Astrid Gietel ta nos ex-colega y contador di storia. Astrid a baha cu pensioen algun aña pasa pero ainda nos por conta riba Astrid pa ‘Conta cuenta’. Astrid a participa na Festival di buki pa mucha diferente biaha y tin un talento banda di conta storia, pa

rima y canta tambe. Robert Reeberg

Den pasado Robert Reeberg a yuda biblioteca hopi biaha cu actividad pa mucha y tambe a participa como autor na e Festival di Buki pa Mucha. Na diferente ocasion sr. Reeberg a compone y produci e canticanan di e festival. Meneer Robert su hobby favorito ta: skirbi! Y esaki e ta haci riba tres tereno: E ta gusta skirbi storia, e ta gusta skirbi poesia y e ta gusta skirbi cantica. For di chikito caba e tawata gusta skirbi. El a publica 11 buki pa mucha. E aña aki sr. Reeberg a participa den proyecto Conta cuenta.

HOBEN DI 20 AÑA MANIPULA, AISLA Y FORSA PA TRAHA: RED DI TRAFICO DESMANTELA Y 3 DETENI

UMM: TA HACI 3 DETENCION DEN CASO DI TRAFICACION DI HENDE.

Dialuna mainta Unit Mensenhandel en Mensensmokkel (UMM) ta investigando un caso serio di sospecho pa traficacion di hende. Den e caso aki a haci un entrada hudicial na un percela na Jucuri y a detene tres persona. Ta trata di dos hende homber di inicial D.C.T. y J.J.R.C., e hende muher inicial M.L.J.A.J.G. Tur tres ta naci na Aruba.

Nan ta wordo sospecha di recluta hobennan di mas o menos 20 aña. Dor di manipulan,

aislanan di nan famia y laga e victimanan depende di nan so.

E sospecho ta cu e victimanan tabata wordo obliga pa entrega nan salario y poni bao presion pa traha sin pago.

E caso di presunto traficacion di hende a cuminsa na momento un miembro di famia a raporta esaki na UMM.

E team di UMM a haci un investigacion intensivo durante varios siman na unda a haya indicacion di explotacion di hende y mobilisa mesora pa pone man riba e presunto

sospechosonan.

E caso serio aki ta den pleno investigacion pa UMM y no ta descarta cu lo por tin mas detencion.

Cuerpo Policial Aruba ta sigui actua cu determinacion contra e formanan serio aki di explotacion.

Tin señal of sospecho di traficacion of contrabanda di hende?

Tuma contacto cu KPA via 100 of anonimamente via 11141.

Hunto nos ta haci nos Pais mas sigur.

Parlamentario Endy Croes: A kibra regla di bon gobernacion

GEOFFREY WEVER A ADMITI ESAKI DEN PARLAMENTO MIENTRAS GERLIEN CROES TA MANERA UN “SIDE LINER”

Diabierna ultimo durante reunion publico Parlamentario Endy Croes y Fraccion di MEP a keda pone Geoffrey Wever bou presion cu algun pregunta cu Geoffrey na prome instante a nenga di contesta. Te na final den vraagpunten despues cu a puntra Geoffrey Wever desde diaranson riba e tema aki na varios ocasion el a bin admiti cu Gobierno a kibra regla di bon gobernacion.

Nombramento di director di Utilities, RDA, Serlimar y Comisarionan

Den programa di Futuro pagina 7 a stipula cu lo introduci e ley di Good Corporate Governance y tambe lo percura pa un proceso di solicitud pa cu nombramento di director y comisarionan di companianan estatal. Den

acuerdo di Gobernacion 2025-2028 firma pa Futuro y AVP esakinan a wordo ripiti riba pagina 12 punto 3 “Vacaturanan publico y semi publico mester ta habri pa tur hende paden y pafo di sector publico. Punto 4 a papia di transparencia. Pagina 21 Maneho di Companianan Estatal, punto 3 “nombrador y comisario basa riba profesionalismo, educacion, experiencia y imparcialidad y den caso di nombramento di Director y Comisario, e nombramento ta tuma luga despues di consulta den consejo di minister”. Minister Geoffrey Wever a confirma den Parlamento cu solamente pa AAA y Postkantoor a cumpli cu e acuerdo di Gobernacion pa cu nombramento di director y comisario pero pa locual ta trata RDA, Serlimar y Utilities el a

admiti cu Gobierno a peca door di NO cumpli cu nan propia acuerdo. Ningun di e ultimo nan aki tabata tin un open sollicitatie, ningun a cana un proceso transparente, ningun a tuma un decision despues di consulta cu consejo di minister es decir cu varios minister no ta ni na altura. A just parachuteer amigonan di AVP den e funcion haltonan aki. Aki nos kier para keto y puntra lider di partido Futuro Gerlien Croes si e ta na altura como cu Gerlien Croes a declara públicamente, cu hasta pa su Bureau tin open sollicitatie. Gerlien Croes ta grita tur dia y/of papia di bon gobernacion y Good Corporate Governance. Unda Gerlien Croes ta awor? Den prome 100 dia AVP y Geoffrey a pas’e un cantidad di fastball.



Gerlien Croes ta “buitenspel” y Futuro ta manera side liners

Nos por corda e cantica popular durante carnaval ‘Side Liners’. Esnan cu no por paga pa bay den grupo ta compañía e e banda musical patras di baricada henter e parada. Tabata un fenomeno cu a crea hasta mas ambiente. Wel awor cu Geoffrey Wever a admiti den Parlamento e eror cometi y e kiebro di nan propio acuerdo ta splica nos cu Futuro y Gerlien Croes

ta mescos “side liners” y AVP cu consciencia di Geoffrey Wever ta manda Gerlien Croes snoepreisje Hulanda pa despues sigui goberna tuma decisionnan contra nan propio acuerdo di gobernacion. Muy probablemente Lendersnan lo fluit gobierno terug cu nombracion di Franklin Hoevertsz y Frederick Nuboer. Time will tell. Un gobernacion cu NO ta transparente y ta bulldoze nan propio acuerdo. Aruba merece miho!



Noticia di Corte

HUES TA ORDENA MINISTERIO PUBLICO PA INFORMA MIKE DE MEZA SI E TA UN SOSPECHOSO OF NO

ORANJESTAD – Awe mainta Hues a dicta sentencia den e caso (Raad Kamer) cu Mike de Meza a cuminsa contra Ministerio Publico. Hues ta haya cu den e caso specifico aki, Ministerio Publico mester informa Mike de Meza si e ta sospechoso of no.

SOLO DI PUEBLO por a compronde cu Hues a ordena Ministerio Publico pa dentro di 14 dia informa Mike de Meza por escrito si e ta sospechoso di un caso penal of no. Si Ministerio Publico ta haya Mike de Meza sospechoso, e mester informa di ki delito ta sospecha Mike de Meza.

EVALUACION DI HUES

Via mail, Hues a manda sentencia pa abogado di Mike de Meza y Ministerio Publico. Hues den su evaluacion di e caso (Raad Kamer) cu Mike de Meza a cuminsa contra Ministerio Publico, ta muestra cu e promer pregunta cu mester haya contesta ariba ta, si Mike de Meza ta wordo persigui penal. Hues ta muestra cu a base di Hof Europeo di Derechonan Humano (HERM).,

e instancia concerni no solamente mester informa esaki sino tambe mester demostra ki delito castigabel ta sospecha de Meza di dje.

Hues ta muestra cu si supone cu ta manera de Meza ta bisa, cu ta Procurador General a informa Promer Minister, esaki no kiermen cu tin un acusacion penal manera ta existi den articulo 6 EVRM (Derechonan Humano). Si ta manera de Meza ta bisa, e ora ey ta trata di informacion confidencial cu Procurador General a duna Promer Minister, cu ta especificamente pa e trabao di informa Formador, manera ta para den e ley cu ta evalua un candidato pa minister (LIM).

Na opinion di Hues, tipo di informacion asina, no ta dirigi riba persigui penal Mike de Meza. Aunke con grandi e consecuencianan di esaki por ta, no por interpreta e informacion asina tampoco. Esaki ta cuadra cu e punto di bista di Ministerio Publico den e caso aki, cu a bisa bon cla cu ainda no a tuma un decision si ta bay persigui Mike de Meza of no.

Hues ta muestra cu den e caso specifico aki, e ta haya cu e ta otro compara cu un hende normal. Aki ta trata di e situacion cu Mike de Meza ta un Parlamentario y candidato pa minister di e Gobierno nobo. Si tin sospecho, esaki lo por perhudica Mike de Meza pa cu su candidatura como minister. Teniendo cuenta cu e situacion specifico aki, Hues ta bay di acuerdo cu e peticion di Mike de Meza, esta cu Ministerio Publico mester informa Mike de Meza si e ta un sospechoso y si ta asina, di kico e ta wordo sospecha di dje.

SENTENCIA DI HUES

Hues ta ordena Ministerio Publico pa dentro di 14 dia, den un carta informa Mike de Meza si e ta un sospechoso den un investigacion, si of no. Si Ministerio Publico ta considera Mike de Meza sospechoso, Ministerio Publico mester informa di ki delito penal ta sospecha Mike de Meza.

OM A INFORMA DE MEZA

Ministerio Publico a cumpli cu e decision di Huez di 25 di juni 2025 den e caso sumario di señor De Meza. Ministerio Publico a informa señor De Meza den un carta si e ta/no ta sospechoso den

un investigacion cu ta andando y di cual articulo den Ley ta trata.

Huez a rechasa e peticion di señor De Meza pa duna Ministerio Publico ordo pa pone na haltura

di e naturalesa y motibo di e acusacionnan contra dje. A consecuencia Ministerio Publico no a duna ningun declaracion tocante esaki tampoco na señor De Meza.



CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



MIEMBRONAN DI NATO A AUMENTA GASTONAN DI DEFENSA, PERO TIN DUDA RIBA COMPROMISO DI MERCA

Den e reunion di NATO na Den Haag, miembro di e aliansa a priminti di aumenta nan gastonan di defensa pa yega na 5% di nan Producto Interno Bruto (PIB) pa 2035. Sin embargo, tin preocupacionnan tocante e rol futuro di Merca den e organisacion.

Aumento di gasto, pero no pa tur
E declaracion di NATO ta stipula cu miembronan lo gasta minimo 3.5% di nan PIB pa defensa "duro," como armamento, y asta 1.5% pa otro inversion relaciona cu seguridad

cibernetico y movilidad militar.

Pero no tur pais ta di acuerdo: Spaña (cu ta gasta menos di 1.3% aun) a pidi un excepcion, bisando cu 2% ta suficiente. Slovakia a sigui su ehempel, argumentando cu "tin otro prioridad. Belgica tambe a busca flexibilidad, aunque sin anuncio publico. Polonia, cu ta lidera e lista di gasto militar (4.7% e aña aki), a critica e paisnan cu no ta cumpli.

Trump: "Un victoria pa occidente"
E presidente mericano,



Donald Trump, a celebra e acuerdo como un "gran exito," pero a menasa España cu consecuencia comercial si no aumenta su gasto. Aunque e cuminsamento ta positivo, e pregunta ta: Merca lo mantene su compromiso completo cu NATO den e futuro?

DECISION STRAFVORDERLIJK KORT GEDING DE MEZA

Huez di Corte den Prome Instancia a dicta sentencia awe den e caso sumario cu M.E. De Meza a cuminsa. Señor De Meza, segun su mes declaracion, a tende di formador cu Ministerio Publico a mark'e como sospechoso
El a pidi Huez den e caso sumario pa duna Ministerio Publico ordo pa dun'e apertura tocante e tipo y e motibo di e sospecho contra dje.

Mescos cu Ministerio Publico, Huez ta di opinion cu ciudadanonan cu ta wordo sospecha di a comete un hecho castigable, normalmente tin derecho na informacion

solamente na momento cu nan wordo informa cu nan ta sospechoso ora nan ta wordo deteni, interroga of invita pa interrogacion. Esey no ta e caso aki. Ademá, na ningun momento Ministerio Publico a bisa señor De Meza cu e ta sospechoso. Pesey Ministerio Publico no ta obliga pa informa señor De Meza ainda.

Sin embargo, Huez a determina cu den caso di señor De Meza, por papia di circunstancianan excepcional y di peso, dor cu e ta un candidato pa minister.

Pesey Huez a dicidi cu den e caso specifico



aki, Ministerio Publico mester informa señor De Meza dentro di 14 dia si e ta sospechoso den un investigacion cu tin andando y, si ta asina, den cua articulo den ley e sospecho contra dje ta basa. No obstante, Huez a determina tambe cu Ministerio Publico no ta obliga pa revela e naturalesa exacto, ni e motivo di e sospechoso, manera señor De Meza a pidi den e kort geding.

DIRECTORA GABINETE DI ARUBA NA “PUBLIC FORUM” DI NATO



Den Haag – Directora di Gabinete di Aruba Joselin Croes LL.M/M.Sc a asisti riba invitacion e “Public Forum” di NATO cu a tuma lugar na Stadhuis di Den Haag. Tambe presenta tabata Minister Plenipotenciario di Sint Maarten mr. Gracita Arrindell.

Durante e evento Joselin Croes tabata tin e oportunidad pa topa y papia cu hopi persona, entre nan e burgemeester di Den Haag Jan van Zanen.

E “Public Forum” di NATO tin como meta pa stimula un mihor comprendemento

cerca e publico general riba e maneho y metanan di NATO y riba e desicionnan cu lo wordo tuma na e cumbre e siman aki na Den Haag. Esaki ta sosode pa medio di dialogo cu un grupo di persona diverso y unico: hefenan di gobierno, ministernan, expertonan riba tereno di seguridad, academiconan, periodista y hobennan. Tur esaki ta tuma lugar den un serie di discussionan, debatenan y seccionnan interactivo riba diferente tema cu ta riba agenda di e cumbre di NATO. Nota pa redaccion: E potretnan ta cortesias di Gabinete di Aruba



Corte di Prome Instancia 26 juni 2025

Horario	Sospechoso	Acto Castigabel
14.00	C.E.	Pro forma. E. ta wordo acusa di mensendhandel den e periodo di 20 di januari 2025 te 24 di februari 2025.
14.00	J.N.R.V.	Pro forma. V. ta wordo acusa di venta di cocaine y marihuana den e periodo di oktober 2024 te 21 di maart 2025.
14.00	E.P.T.	Pro forma. T. ta wordo acusa di kiebri y ladronia den cas di un persona di joyas y otro pertenencianan riba 25 di maart 2025.
14.00	A.K.T. M.A.L. J.A.B. F.St.G.G.	Pro forma. E sospechosonan ta wordo acusa di posesion di marihuana riba 20 y 21 di maart 2025. G. ta wordo acusa di venta di marihuana den e periodo di prome di januari 2021 te 28 di maart 2025 y di cocaine den e periodo di juni 2023 te 28 di maart 2025.

Corte di Prome Instancia 27 juni 2025

Horario	Sospechoso	Acto Castigabel
08.30	L.E.C. W.J.V.R. A.E.C.H. P.A.C.B.	E sospechosonan ta wordo acusa di importacion di cocaine y marihuana riba 13 di december 2024.
10.00	J.M.Z. G.E.T.	E sospechosonan ta wordo acusa di a viola ley di droga riba 26 di december 2024.

Clasificados

SOLODIPUEBLO@GMAIL.COM
CEL. 585 9500

ARUBA BANK A PATROCINA E CELEBRACION DI DERA GAY



Oranjestad – 25 di juni 2025 - Sport Boys a organisa e celebracion di Dera Gay cu ta tuma lugar anualmente, un celebracion colorido di nos cultura y e tradicion Arubano. E evento cu ya tin hopi

aña di existencia a uni comunidad pa honra un di e custumber nan mas iconico di e isla a traves di baile, actividadnan y e union cultural.

Aruba Bank ta orguyoso pa patrocina e premionan pa e evento, afirmando su compromiso continuo door di aporta na nos cultura y desaroyo di comunidad.

Door di patrocina evento manera celebracion di Dera Gay, Aruba Bank ta tuma un rol activo den realisa celebracionan pa tradicionnan nacional y asina sigura cu nan keda biba den nos y futuro generacionnan.

Aruba Bank ta reconoce e importancia di preserva y stima e identidad cultural

di Aruba. Nos patrocinio ta refleha nos dedicacion, no solamente na crecimiento economico, pero tambe na e bienestar social y cultural di nos comunidad.

Aruba Bank ta felicita e organisador, participante y tur persona cu a contribui pa logra un celebracion di Dera Gay exitoso.

DONALD TRUMP A DRUMI DUSHI DEN CAS DI REY WILLEM ALEXANDER

Donald Trump, presidente di Merka, a bisa cu el'a drumi “dushi” den Palacio ten Bosch durante su bishita na Hulanda pa e top di NATO. E reynan Willem-Alexander i Maxima a invit’e pa keda na nan cas. Durante un sesion di foto, e presidente a elogia e cas di e reynan, bisando: “E cas ta bunita!”

Trump tambe a muestra pose cu duim ariba pa e potretnan. E bishita a keda confirma ultimo momento, i hasta prins Constantijn, ruman menor di e rey, no tabata sa di e plan. E reynan a hospeda Trump durante su estadia pa e top di NATO.



Intercambiando ideanan pa futuro di deporte na Aruba

COMITE OLIMPICO ARUBANO A REUNI CU FEDERACIONNAN MIEMBRO DEN CUADRO DI PLAN STRATEGICO



Diahuebs ultimo den sala di reunion na ATIA, Comité Olimpico Arubano a reuni cu gran mayoria di federacionnan miembro, unda a tene un dialogo sumamente interactivo.

E topico di e reunion aki cu e nomber “ban topa”, tabata e e plan strategico cu COA ta preparando pa e siguiente ciclo Olimpico, unda a elabora riba e plannan pa asina e federacionnan ta informa y

alabes tin un oportunidad pa por aporta cu ideanan y haci preguntanan.

A traves di e combersacion habri aki, a logra un intercambio amplio unda a ricibi hopi pregunta y mas importante un cantidad di ideanan interesante pa añadi na e plan strategico. Importante pa remarca ta e bon participacion di e federacionnan miembro ademas di vocifera hopi bon nan ideanan y preocupacionnan, pa asina hiba esakinan den e plan strategico cu COA ta preparando. #TEAMARU



Minister Geoffrey Wever

DEMANDA RECORD PA BONO DI ARUBA DI 165 MIYON TA CONFIRMA CONFIANSA DEN ECONOMIA DI ARUBA

– Gobierno di Aruba, pa medio di Minister di Finansa, Asunton Economico y Sector Primario, Geoffrey Wever, ta anuncia cu e emision reciente di dos bono local a resulta den un exito rotundo, demostrando un confianza fuerte di mercado local den maneho financiero di pais.

Den e proximo tres luna Aruba mester paga bek casi 165 miyon na debenan cual mayoria ta debenan cu ta mas di 10 aña biew. Pa por paga esaki gobierno a emiti dos bono. Mientras gobierno a busca 165 miyon florin den mercado local, e mercado mes a pone 380 miyon florin disponibel. E oferta ta casi 2.3 biaha mas grandi cu e necesidad. Ambos a bay na un interes competitivo, di 5 te cu 6%. Esaki ta confirma confianza den finansa y economia di nos isla.

"Esaki ta muestra claramente cu e mercado, tanto local como internacional, ta tene Aruba na un nivel halto di confianza," segun Minister Geoffrey Wever.

E gran demanda a resulta den un interes atractivo cu ta refleha den un agio di casi 10 miyon florin, un beneficio directamente pa e fondo publico. Casi mitar di esaki lo wordo usa pa inversion pa sigi stimula

economia y e otro mitar lo bay pa sigui baha debe.

Aunke ta trata di un prestamo nobo, Minister Wever a splica cu esaki no ta debe nobo y no lo aumenta e debe nacional di Aruba. E fondonan ta bay completamente na paga riba debe biew, mayoria emiti prome cu COVID. Pa 2025, Aruba mester paga 534 miyon florin riba 16 prestamo. Pa cubri e suma aki, Parlamento a autorisa minister di finanzas pa refinanciamiento di 456 miyon florin, pero danki na e agio logra, Gobierno lo usa solamente 451 miyon florin.

Debe ta na su punto mas abou den añanan. E nivel di debe, cu a yega su punto mas halto na 127% di GDP durante COVID, pero esaki a wordo baha rapidamente pa 70% den prome kwartaal di 2025. E debe di awe ta na un nivel comparable cu 2013.

Confianza base riba resultado diferente factor importante a contribui pa nos a yega na e nivel di confianza aki, entre otro, Aruba tin un historia di pago na tempo y completo; tin un compromiso real pa stabilisa y baha debe; nos a demostra resiliencia economico durante pandemia; nos a sa di mantene tres investment



grade ratings den ultimo añanan.

F i n a n c i a m e n t o internacional y dialogo cu Hulanda

Aruba ta prepara pa emiti bono internacional den e proximo lunanan pa asina cubri e resto di financiamiento. Un proposicion lo wordo presenta na

Rijksministerraad pa un prestamo di maximo USD 150 miyon. Mientras tanto, Aruba ta sigui cu dialogo cu Hulanda pa financiamiento adicional pa sigi garantiza cumplimiento cu nos inversionistanan pero alavez reduci gasto di interes y crea espacio pa por sigi paga debe mas rapido.

"Nos ta sigui proteha e reputacion di Aruba riba mercado financiero. Esaki ta esencial pa e bienestar y futuro di nos pueblo," segun Minister Wever.

Aruba ta demonstra cu maneho financiero responsabel y claridad den su strategia ta atrae inversion y fortalece su futuro economico.

Telxius y Ciena logran la primera transmisión de datos a 1,3 Tb/s a través del Atlántico

Una nueva infraestructura óptica que ofrece un soporte mejorado para el crecimiento del tráfico asociado a la inteligencia artificial y los centros de datos.

HANOVER, Md. / MADRID, España – 25 de junio de 2025 – Telxius, proveedor líder en conectividad global, y Ciena (NYSE: CIEN) han alcanzado un hito sin precedentes en la industria: una transmisión de datos de 1,3 Tb/s utilizando una única longitud de onda, realizada a través del cable submarino Marea de Telxius, que se extiende a lo largo de 6.600 km entre Virginia Beach (Virginia, EE. UU.) y Bilbao (España).

Gracias a la tecnología WaveLogic 6 Extreme (WL6e) de Ciena, las compañías también lograron la transmisión con mayor eficiencia espectral jamás registrada a través del Atlántico, alcanzando un record de 7,0 bits/s/Hz.

“Estamos comprometidos con la mejora continua de nuestra red mediante la incorporación de sistemas nuevos y optimizados para dar un mejor soporte a nuestros clientes”, afirmó Carlos Dasi, CTIO, Telxius. “Con avances como WaveLogic 6 Extreme de Ciena, desplegar más capacidad de la forma más eficiente posible ya es una realidad. Este último hito demuestra nuestro potencial para ofrecer esa capacidad incluso a través de las distancias más largas, en una economía digital cada vez más exigente en términos de ancho de banda.”

“Este logro junto a Telxius es el más reciente de una serie de hitos pioneros de Ciena en el ámbito de la óptica coherente”, señaló Thomas Soerensen, Vice President, Global Submarine Solutions, Ciena. “WL6e permitirá a Telxius ofrecer rutas de gran capacidad, diversas y con la menor latencia a través del Atlántico, anticipándose a las necesidades cambiantes

de sus clientes, a medida que crece la demanda de aplicaciones de inteligencia artificial, contenido, vídeo y servicios en la nube.”

WL6e de Ciena es el primer transceptor coherente de alta capacidad de la industria que utiliza tecnología de silicio de 3 nm de última generación, lo que permite importantes beneficios económicos para los operadores, incluida una reducción del 50% en espacio y consumo energético por bit. Telxius tiene previsto desplegar WL6e en sistemas submarinos seleccionados de su extensa red a lo largo de este año y en adelante.

Acerca de Telxius

A medida que aumentan las necesidades de interconectividad global ininterrumpida a nivel mundial, estamos preparando el camino para lo que está por llegar. Telxius es un proveedor líder de conectividad global que combina redes submarinas, terrestres y centros de datos en todo el mundo. Su ecosistema cuenta con nueve cables submarinos de fibra óptica de última generación y backhauls terrestres que abarcan en conjunto más de 100.000 km, además de 100 PoPs y 26 estaciones de amarre y centros de datos en todo el mundo.

Telxius proporciona una amplia gama de servicios de red y transporte, colocation y seguridad, así como conectividad directa a Internet a través de su red IP Tier-1.

Para más información, visite www.telxius.com

Acerca de Ciena
Ciena es el líder global en conectividad de alta velocidad. Creamos las redes más adaptativas del

mundo para facilitar el crecimiento exponencial de la demanda de ancho de banda. Al aprovechar el poder de nuestros sistemas de redes, componentes, software de automatización y servicios, Ciena revoluciona la transmisión de datos y la gestión de redes. Con nuestra experiencia e innovación sin precedentes, empoderamos a nuestros clientes, socios y comunidades para liderar en la era de la inteligencia artificial. Para conocer las novedades sobre Ciena, síguenos en LinkedIn y X, o visite la página web Ciena Insights y el sitio web de Ciena.

Nota para los inversores de Ciena

Le recomendamos revisar la sección Inversores de nuestro sitio web, donde periódicamente publicamos comunicados de prensa, documentos presentados ante la SEC, últimas noticias, resultados financieros y otros anuncios. Ocasionalmente publicamos

información relevante en este sitio web junto con otros canales de divulgación que utilizamos. Este comunicado de prensa contiene ciertas declaraciones prospectivas que se basan en nuestras expectativas, pronósticos, información y suposiciones actuales. Estas declaraciones implican riesgos e incertidumbres inherentes. Los resultados o las consecuencias reales pueden diferir materialmente de los declarados o implícitos, debido a riesgos e incertidumbres, incluidos los que se detallan en nuestros informes anuales y trimestrales más recientes presentados ante la SEC. Las declaraciones a futuro incluyen declaraciones sobre nuestras expectativas, creencias, intenciones

o estrategias y pueden identificarse con palabras como "anticipa", "cree", "podría", "estima", "espera", "pretende", "podría", "debería", "hará" y "haría" o palabras similares. Ciena no asume ninguna obligación de actualizar la información incluida en este comunicado de prensa, ya sea como resultado de nueva información, eventos futuros o de otro tipo.

Contactos de prensa
Jamie Moody
Ciena Corporation

+1 (410) 694-5761

pr@ciena.com
Telxius PR

comunicacion@telxius.com
Contacto de inversores
Gregg Lampf
Ciena Corporation

+1 (410) 694-5700
ir@ciena.com

Arwen Linfield-Haplik
Account Manager | Ilex
Content Strategies

M: +44 7763 841 264

W: www.illexcontent.com
Icon

Description automatically generated Logo, icon

Description automatically generated Icon

Description automatically generated

A picture containing plant, tree

Description automatically generated

The content of this email is confidential and intended for the recipient specified in message only. It is strictly forbidden to share any part of this message with any third party, without a written consent of the sender. If you received this message by mistake, please reply to this message and follow with its deletion, so that we can ensure such a mistake does not occur in the future.

Paga bo cuenta online ta facil

Sea Abonnement of Aviso



Pago online, facil y lihe

Pa hasi pago online pone number y adres na cuenta di banco RBC Sunmax Printing
account # 7700000100152447

PARIBA LEGENDS A BLIKIA SERO BLANCO!

Calabas/Kudawecha - Diasabra ultimo, 21 di juni, hopi fanatico di domino estilo "fast & Furious" a wanta nan rosea p'e grandioso wega entre Sero Blanco DT contra e trabuconan di pariba di brug, esta Pariba Legends DT. E "hype" tabata t'ey, pero ora "puntje" a yega "bij paaltje", a resulta cu tabata falta hopi letter "i" ta dwaal rond sin nan "puntje"!

E bataya a cuminsa estilo "niks aan de hand", caminda cu Sero Blanco tabata tin un cara di "ainda nos ta bezig ta warm up". Pocopoco e cara ey a cambia pa style di "un djis nos ta ranca sali"! mas cu claro, mester duna beneficio di duda n'un team c'un historia grandi den domino. Pero, toch, net prome cu bel a bati pa halftime, por a sinti na varios mirones cu nan ta carga e pensamiento di "Oei! E cos aki ta hole manera un wea cu lo pega candela". Halftime ta bay aden cu score bentahoso pa Pariba Legends di 11 - 5. Na Hulanda nan ta bisa "niet gepiest, maar toch nat"!

Anyway, manera semper, chef di Domino Square Garden a prepara



un batayon di snack completamente gratis p'e publico presente, y manera di custumber, por a filma un escena di e siguiente pelicula zombi n'e style con publico a basha hambra riba e pasapalonan! Style di man cu 5 dede ta bira glove di baseball cu 6 klauw! Enfin, di dos tempo ta bay

aden, y ta aki ta caminda cu Pariba Legends a kita tur duda cu nan ta e ekipo e anochi ey cu ta carga e "bunker-buster" bom di Donald Trump! Un solo lansa, y e team di pariba ta drenta bora te paden dje Sero Blanco y dal nan 10 wega prome cu esaki por conta te 3! Shonnan, increibel, pero Pariba

Legends a plama e sero foi otro cu score aplastante

di 21 - 7! KABOOM! Over and out!



Clasificados



SOLODIPUEBLO@GMAIL.COM
CEL. 585 9500

SOLO De Pueblo

YIU DI KORSOW HAÑA MORTO DEN SALIÑA NA BELGICA CU BOLITAS DI 900 GRAM DI DROGA DEN SU CURPA

BRECHT, BÈLGICA – E homber cu a wordo haña morto den un sloot na Brecht, Bélgica, durante luna di april, a resulta di ta un yiu di Korsow di 54 aña. Segun medio belga, su identidad a wordo establece i dos persona a wordo detene siman pasa. E curpa tabata lora den foil.

Segun e Ministerio Público di Antwerpen, e victima no tabatin herida visibel, pero den su curpa a wordo haña bolita di kokaina. “Tabata trata di un total di mas o ménos 900 gram, i segun nos investigashon, esey probablemente a causa su mortk” segun un vocero di e ministerio. E victima tabata keda den e




mesun area na momento di su morto.

Dos hende, un homber di 53 aña for di Rijkevorsel i un otro di 38 aña for di Lille, a wordo deteni. E cask ta califica actualmente como tráfico di droga prohibi cu morto como consecuencia, segun e autoridadnan belga.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - June 25, 2025

 Sorteo # 4661 8351 8571 8017  FP  Sorteo # 4661 5661  FP  Sorteo # 2717 4687  Sorteo # 4661 3333 Piscis  Sorteo # 1535 372  FP	 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 170.000,-	 Sorteo # 0 x Jackpot 0 x Match 4 0 x Afl. 8,00 Proximo Jackpot 51.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 675.000,-	 Afl.1.000.000,-	 Sorteo # 
---	--	---	--	---	---



SOLODIPUEBLO@GMAIL.COM
CEL.585 9500



Paga bo cuenta
online ta facil



Sea
Abonnement
of Aviso

Pago online,
facil y lihe



Pa hasi pago online pone nomber y adres na
cuenta di banco RBC Sunmax Printing
account # 7700000100152447

FORTALEZA PA FAMILIA

Scirbi pa Pastor Marcel Balootje.

TA TEMPO PA CAMBIA BO BISTI

Aunke hopi hende no ta kere pero bo forma di bisti ta indentifica bo, e por gañabo, e por duna otro hende un impresion negativo di bo. pasobra bistimento semper mester keda den un forma decente, cu ta representa bo personalidad cu seriedad. Dunando gloria na nos Creador.

Laga nos pone e cos cla manera e mester ta: Ora un Hoben/Hobencita ta cana indecente bisti ta su Mayornan mester dune educacion tocante bistimento, y no dune solamente placa pa cumpra paña pero tambe siñe kico ta adecuado pa bisti, como yiu di hende drechi y decente..

Si un muher ta cana hunto cu un homber y e ta indecente bisti, por nifica cu e homber no ta balora locual cu e tin, pasobra ningun caminda bo no ta haña diamanta riba tera, of e muher no ta somete na e homber, of nan ta kere mas den moda cu den Dios, etc.

Tambe tin awor e show di tattoo, pasobra un tattoo no ta wordo poni na un hende su curpa pa e wordo scondi, pasobra ta placa tira afo, awor tin hopi hende ta pone tattoo na lugarnan priva y despues ta expone e parti priva ey di nan curpa pa tur hende por mira nan tattoo. Y nan ta haci esaki concientemente, locual ta indica e deseo di exposicion. Asina e enemigo ta tuma control.

Concorda tene cuenta cu nos



curpa ta e tempel di Dios y e Spirito di Dios ta biba den dje. (1Corintionan 6 :19+20)

Nos por haci hopi cambio na e parti exterior di nos curpa, pero e parti interior ta solamente Dios por cambie, y mas awor cu henter mundo por realisa cuanto balor mente y curazon di hende tin, y con e enemigo ta ataca e mente y e curazon constantemente pa asina cohe e dominio riba e bida.

Tene bon cuenta cu e siguiente advertencia y recomendacion.;

Efesionan 4:22-24 ta bisa:

Pa encuan to boso manera di biba di antes, boso pone un banda e hende bieu cu ta wordo corumpi conforme e pasionnan engañoso.

Y pa boso wordo renoba den e spirito di boso mente, y pa boso bisti e hende nobo, cu ta wordo crea segun Dios den husticia y santidad berdadero.

Romanos 13:13+14 ta bisa: Laga nos comporta nos mes decentemente manera den dia, no den parandiamiento y den buracheria, no den inmoralidad sexual y den sensualidad, no den pleito y envidia. Ma bisti boso cu Señor Hesus Cristo, y no haci provision pa e

carni, pa cumpli cu su mal deseonan.

Colosensenan 3 vers 8-12 ta bisa: Ma awor boso mester pone un banda, rabia, furia, malisia, calumnia, y palabra sushi for di boso boca.

No gaña otro, como boso a pone un banda e hende bieu cu su practicanan malbaldo.

Y bisti e hende nobo cu ta wordo renoba cu un conocimiento berdadero segun e imagen di Esun cu a crea, cual ta Dios.

Asina manera esnan cu a wordo scohi di Dios, santo

y stima, bisti un curason di compasion, cariño, humildad, mansedumbre y pasenshi.

Dios ta traha paden di nos cu Su Spirito Santo, y asina nos por expresa Su voluntad den nos bida. Tur cambio, cual ta hiba na desencia y ordo den nos bida spiritual y fisico ta cuminsa paden, pasobra manera un hende ta pensa asina e ta.

Asina nos pensamiento y nos curason wordo renoba nos bida ta cambia, pero nos mester habri nos curason pa Cristo Hesus tuma control, y asina conoce Su voluntad perfecto.

Cualnan ta e beneficionan di consumi pepino cu frecuencia

Consumi pepino cu frecuencia ta hopi beneficioso pa salud. Ta trata di un berdura cu tin hopi propiedad beneficioso pa nos curpa.

Principalmente pasobra e ta aporta un gran cantidad di awa, loke ta convirti'e den un alimento abao den caloria, hopi provechoso pa adelgasa.

Aunke casi tur hende ta pensa cu pepino ta un vegetal, en realidad ta trata di un fruta, ya cu e ta pertenece na e mesun famia cu ta inclui e milon, calbas y patia.

No obstante, ta sosode cu pa su sabor un tiki marga nos a custumbra di come den salada y otro preparacionnan similar.

Awe nos lo contabo den detaye e rasonnan pa cual ta hopi conveniente pa bo inclui e pepino den bo dieet. Mester consumi'e preferiblemente cu casca, cual ta rico den fibra.

Esaki lo yuda nos alivia algun inconveniente relaciona cu stima, manera acidez y pesadez.

Pepino den dieet

Pepino ta otorga bo hopi poco caloria, ya cu gran parti di su contenido ta awa. E aporte calorico pa cada 100 gram ta di apenas 13 caloria, di cual 97% ta likido.

Alabes, e ta abao den carbohidrato y tin un contenido eleva den vitaminan A, B, C y D, mescos cu mineralnan. Entre nan ta destaca hero, potasium, fosforus, calcium y magnesium.

Finalmente, e ta contene hopi fibra, pa cual consumi pepino cu frecuencia ta excelente pa dietnan cu finnan di perdida di peso. Pa su gran balor nutricional, nos por bisa cu

e ta un alimento extraordinario, ya cu e ta brinda beneficio pa e distinto arcanan di nos organismo.

Beneficionan di consumi pepino cu frecuencia pa e cuero

Un di e usonan mas conoci di pepino ta relaciona cu e tratamentonan estetico. E casca tin cantidadnan grandi di vitamina C y acido cafeico. E micronutrientenan aki ta permiti reduci inflamacion, alivia iritacionnan cutaneo y en general, yuda pa mantene e cuero sano.

P'esey, e ta wordo usa cu frecuencia den tur tipo di tratamiento pa e cuero y pa e contorno di e wowonan. Fuera di esey, pepino tambe ta yuda combati enfermedadnan dermatologico manera psoriasis, eczema y acne.

Awo bon, e casca di pepino no solamente ta bon pa usa di forma externo. Tambe por bebe manera un shake. Cu awa y lamunchi e lo permitibo limpia y depura e organismo.

Beneficionan pa e tehidonan

E ingrediente aki ta contene cantidadnan importante di un componente conoci como silice. E compuesto aki tin e capacidad di fortalece y regenera e tehidonan di nos curpa.

Entre e mas faborecidonan pa e ingesta di pepino nos ta haya e musculonan, e tendonnan, cartilago, ligamento y eso. Ta trata di un rason mas cu suficiente pa consumi pepino cu frecuencia como parti di un dieet.

Beneficionan pa e sistema cardiovascular

Pepino ta rico den diverso mineral manera e pota-



sium y magnesium y den fibra, den cual ta contribui cu un bon salud cardiovascular.

Dicho micronutrientenan aki ta faborece e circulacion di sanger, yudando preveni e aumento of den su defecto, reduci e presion arterial.

Beneficionan pa e digestion

A proposito di su alto contenido den mineral y vitamina, ora consumi pepino cu frecuencia, e ta yuda nos evita acidez y pesadez den e stoma.

Esey mester ta debi na su aporte di awa, fibra, magnesium y potasium. No obstante, mester tene presente cu e mineralnan aki por hay'e mayormente den e casca, asina di percura pa no kit'e.

Di igual manera, pepino ta funciona como un excelente diuretico, debi na su composicion acuoso. Tambe, e ta yuda elimina vetubica den e tehidonan y evita e retencion di likido.

Pepino como protector

Ademas di tur e beneficionan cu nos a menciona, ta ideal consumi pepino cu frecuencia dentro di e dieet ya cu ta resulta un extraordinario mecanismo pa proteha nos di factornan extremo cu por causa nos daño.

- Na prome luga, e ta drecha e mucosa intestinal y estomacal, pa cual e ta proteha ambos organo, simultaneamente e ta elimina e toxinan.

- Pepino tambe ta yuda na e bon estado di nos defensanan. E ta conta cu un alto contenido di vitamina B complex, cu ta reforsa e sistema inmunitario. Di e mesun forma, vitamina C cu ta preveni verkoud y ta faborece e procesonan di cicatrizacion.

- E ta defende nos di e elementonan toxico cu por ta presente den alimentonan cu nos ta ingeri y en general, den medio ambiente.

Contraindicacion

Apesar di tur e beneficionan cu nos a splica, ta exis-

ti algun contraindicacion. Principalmente, pepino ta contene un componente conoci como cucurbitacina, cu consumiendo den cantidadnan grandi, por causa gas y indigestion.

Pa e rason aki, ta recomienda consumi pepino di forma modera na esnan cu ta sufri constantemente di indigestion y gas.

Por ultimo, pepino ta altamente diuretico, pa cual por produci deshidratacion. Sin embargo, pa esaki sosode, ta necesario di a consumi un cantidad hopi halto di pepino.



BON NOTICIA

BIJBEL TA BISA, CU HESUS A LANTA UN SOLO IGLESIA NA HERUSALEM

Bijbel Exodo 24: 7- 8, den e Evangelio aki, Dios Tata a cera e prome Aliansa cu e pueblo di Israel, pa medio di Moises. Bijbel 2 Samuel 7: 16, den e Evangelio aki, Dios Tata a eligi David, pa bira e prome Rey di Israel. Dios Tata a priminti Rey David cu su sucesornan,nan lo ta pa semper encabesa e Reino di Dios. Bijbel Mateo 26: 26 – 28, den e ultima cena Hesus a bisa Su apostelnan: “Boso tur bebe for di e copa di binja aki, esaki ta Mi Sanger, e Sanger cu ta confirma e Aliansa cu Mi ta derama pa hopi hende, pa pordon di pikanan.” Akinan Hesus ta confirma Su Sacrificio y morto na crus, deramando Su Sanger precioso, pa e Aliansa Nobo di Dios Tata, cu ta e pueblo Nobo di Israel. Bijbel Lucas 1: 32 – 33, ta bisa: “Senjor Dios lo duna Hesus e trono di Su antepasado Rey David y te den eternidad lo E ta Rey di e descendientenan di Jacob y Su Reino lo no tin fin.” Bijbel Mateo 16: 15 – 19: “Hesus a puntra Su apostelnan: Anto boso mes, ta ken boso ta bisa Mi ta? Simon a contesta: Bo ta E Mesias, E Yiu di Dios bibo! Hesus a bis’e: Felis bo ta Simon yiu di Huan, pasobra no ta hende a revela bo esaki, ma Mi Tata cu ta den Cielo. Mi ta bisa bo: Abo ta Pedro (o sea baranca) y riba es baranca aki, lo Mi lanta Mi Iglesia y forsan di fierno lo no podera di dj’e. Lo Mi duna bo e yabinan di Reino di Cielo y loke bo prohibi na tera, ta prohibi den Cielo tambe y loke bo permiti na tera, lo ta

permiti den Cielo tambe.” Akinan Hesus ta bisa bon cla, Mi Iglesia, osea un solo Iglesia y no Iglesiasnan. E demonionan den fierno lo lanta diferente sectanan na mundo, pa podera y pa kibra e Iglesia di Hesus, pero nan lo no logra. Hesus a duna Simon e nomber Pedro, cu ta significa baranca, cabes visibel di Su Iglesia. Hesus a duna Pedro e yabinan di Reino di Cielo y esaki ta significa, cera of habri e unico portanan pa laga e almanan drenta den Reino di Cielo. Hesus a duna e autoridad na Pedro pa dirigi Su Iglesia, di loke ta permiti y di loke ta prohibi.

Bijbel Marco 16: 15 – 16, aki Hesus ta bisa Su apostelnan: “Sali pasa na henter mundo y predica e Evangelio pa henter humanidad.” E palabra, sali pasa na henter mundo y predica e Evangelio pa henter humanidad, ta significa, Universal, Hesus Su Iglesia ta Universal. E Iglesia Universal di Hesus, ta e pueblo Nobo di Israel di Dios Tata den e Aliansa Nobo.

Awor, tur e sectanan na mundo y e Hudiunan mes, nan mester kere den Cristo-Hesus y nan mester drenta y bautisa den E Iglesia Universal di Hesus, pa nan por drenta den e Reino di Cielo. Hesus a duna Su apostelnan, Su doctrinanan di Gracianan di salvacion pa Iglesia: Bautismo Mateo 28: 19 – 20, Confirmacion Echonan di Apostelnan 2: 1 – 4, Confesion Huan 20: 23, Eucaristia Lucas 22: 19 –

29, Matrimonio Mateo 19: 4 – 6, Apostolado Marco 3: 13 – 19, Enfermonan Hacobo 5: 14 – 15. Awor puntra bo mes, ta di con tin tanto sectanan na mundo y mientras ta un Iglesia Hesus a lanta? Na anja 1521, Martin Luther, a inventa e teoria di e interpretacion liber di Bijbel. E interpretacion liber aki, a produci 36.000 diferente sectanan y oposicionnan na mundo. Tur e sectanan aki, ta pretende di ta di Hesus. Durante tempo, hopi di nan a lanta nan mesun religionnan y predicando e Bijbel den nan mesun manera y buscando hendenan debil den fe pa sigi nan. di Bijbel Echonan Apostelnan 20: 28 – 30, carta di San Pablo na su coleganan Apostelnan: “Cuida boso y di henter e rebanjo na cual Spirito Santo a pone boso como Obisponan pa warda e Iglesia di Senjor, na cual E’l a gana cu Su propio Sanger. Mi sabi cu despues di mi partida, lo drenta lobonan feros cu lo no tene compasion cu e rebanjonan y cu denter di boso mes, lo surgi hendenan cu lo sinja doctrinanan robes y nan lo gana discipelnan nan tras.”

Ta manera cu Hesus a bisa den, Bijbel Mateo 16: 18, cu forsan di fierno lo purba podera y kibra e Unico Iglesia Universal di Hesus, pero nan lo no logra. Husga pa bo mes. Nunca no ta laat pa compronde e berdad y pa comberti.

Scirbi pa Seferino Tromp Un mensahero di Dios.

SUDOKU

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

			8		1			
						4	3	
5								
				7		8		
						1		
	2			3				
6							7	5
		3	4					
			2			6		

FORTALEZA PA FAMILIA

Scirbi pa Pastor Marcel Balootje.

NOS TUR MESTER DEPENDE Y CONFIA DEN DIOS PA NOS BIDA

Ta notabel cuanto amigo y conoci ta bay cas cu Señor of manera ta wordo bisa den boca di pueblo hende ta muri.

Bo ta mira un hende mainta, y atardi e no tey mas.

Bo ta papia cu un hende na telefon, y despues di un rato, bo ta hanja e noticia cu e persona a fayese.

Bo ta manda un whatsapp pa un persona, pa bo sa conta cu su salud, e ta contesta bo luchando mi hno, caba despues di 2 dia bo ta tende e noticia cu e mesun persona ey a bay cas cu Señor.

Y ainda falta esnan cu ta yamabo ayo ayera y awe no tey mas.

Palabra di Dios ta sinja nos lo siguiente: Confia den Señor cu henter bo curason y no depende riba bo mes compromendemento. Den tur bo caminda nan reconoc'E y elo dirigi bo berehenan, (Proverbionan 3-5-6).

Si un hende no ta depende di Dios pa su bida, of no kier depende riba Dios pa su bida, ta riba ken e ta depende pa su bida anto?

Riba placa, posicion, poder, pasobra ningun di e cosnan ey no por yuda bo ora cu morto bishita.

Awendia tin hende ta bisa cu nan ta depende di universo, cual ta un excuus barata pa no reconoce Dios, pasobra ta Dios mes a traha universo, y tur locual tin den dje, asina ta cu con cu hende haci pa nan biba, ta resulta cu nos tur su bida ta depende di Dios.

Mi alma ta spera den kietud riba Dios so, pasobra mi speransa ta den dj'E.

E so ta mi baranca y mi salvacion, mi defensa lo mi no wordo movi. Riba Dios mi salvacion y mi gloria ta sosega. E baranca di mi fortaleza, mi refugio ta den Dios. (Salmo 62:5-7).

Cu Bo conseho lo Bo guiami, y despues ricibi mi den gloria.

Ta ken mi tin den cielo fuera di Bo?

Y fuera di bo mi no ta desea nada riba tera.

Mi carni y mi curason por faya, ma Dios ta e fortaleza di mi curason.

Y mi porcion pa semper. (Salmo 73:24-26).

Lo bo warda den pas perfecto, esun cu su pensamiento ta permanece den Bo. Pasobra e ta confia den Bo. Confia den Señor pa semper, pasobra den Dios e Señor nos tin un Baranka eterno. (Isaias 26:3-4).

Ken entre boso ta teme Señor, ken ta obedece e bos di Su Sirbido. Ken ta cana den scuridad y no tin lus? Lage confia den e nomber di Señor y depende riba su Dios. (Isaias 50:10).

Bo reino ta un reino eterno y Bo dominio ta di

generacion pa generacion (Salmo 145:13).

Encomenda bo obranan na Señor, y bo plannan lo wordo stableci. (Proverbionan 16:3).

Tur cos riba e mundo aki lo tambalia y tur cos lo wordo sacudi, pero nos Dios Todopoderoso ta firme y eterno riba su trono, pasobra e ta Dios. Nos ta bibando den tempo trabahoso, tempo dificil, tempo caminda respet ta bayendo for di moda, inmoralidad a aumenta, y malicia kier domina tur caminda.

Pero ta keda na cada un di nos pa mantene nos bista riba Dios, e donjo di nos bida, e unico speransa cu nos tin, cu nunca lo bandona nos, ni tampoco laga nos desampara.

No tin nada cu por reemplaza Cristo Hesus den nos bida, pasobra E ta e unico mediador entre Dios y hende.

No a keda ningun otro opcion sino di entrega completamente na Dios, pasobra salvacion y bida eterna ta den Su man.

Sinceramente, Pastor Marcel Balootje.

Oracion di dia

Un feliz dia yena di hopi fe y speransa den nos bon Dios

"...sino conta e generacion venidero: esta gloria di Señor, su poder, ye cosnan milagroso c'El a haci." (Salmo 78, 4bc) E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, Cristo Hesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cu Dios. Pero anos a sigui conta nos yiunan tocante di Dios manera nos grandinan a haci? Anos a siña e hubentud tocante e milagronan y sacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba e caminda cu Cristo Hesus a traha pa nos. "...pa nan tambe confia den SEÑOR, no lubida Dios su obranan grandi..." (Sal 78, 7) Oracion: Señor mi Dios motiva mi y guia mi, cu yudansa di Spirito Santo, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.

Amen.

Clasificados



SOLODIPUEBLO@GMAIL.COM
CEL. 585 9500

SOLO Di Pueblo